

根本說一切有部毗奈耶卷第四十九 仕九

唐三藏法師 義淨 奉 制譯

詐言不知學處第八十三

爾時薄伽梵在室羅伐城逝多林給孤獨園  
佛告諸苾芻仕九半月半月應說波羅底木又戒

時諸苾芻奉教而說六衆苾芻聽戒之時作  
如是語具壽我今始知是法在戒經中說諸  
苾芻報曰豈可具壽於半月半月說戒經時  
不聽聞耶六衆答曰我今豈可惟聽說此更  
無餘事於諸欲境亦復思量諸苾芻白佛佛  
言此等愚人輕慢學處乃至我觀十利爲諸  
弟子制其學處應如是說

若復苾芻半月半月說戒經時作如是語具  
壽我今始知是法戒經中說諸苾芻知是苾  
芻若二若三同作長淨況復過此應語彼言

具壽非不知故得免其罪汝所犯罪應如法  
說悔當勸喻言具壽此法希奇難可逢遇汝  
說戒時不恭敬不住心不慤重不作意不一  
想不攝耳不策念而聽法者波逸底迦  
若復苾芻者謂是六衆餘義如上說戒經時

者謂從四他勝乃至七滅諍法相次而說詮  
其要義我今始知等者謂六衆苾芻與餘苾  
芻屢同聽戒而彼故言我不知者意欲令他  
心生憂悔故謳惱時衆故諸苾芻當勸喻言  
等者明不恭敬等有所虧失故此中犯相者  
必芻見說四他勝時如是乃至十三殘罪七  
滅諍法作如是說者一一說時皆得波逸底  
迦罪若實不了知如愚癡人者說實無犯又  
無犯者廣說如上

作針筒學處第八十四

佛在室羅伐城給孤獨園有一工人名曰達摩善牙骨作先於無衣外道心生敬信因來寺中就乞食苾芻而聽法要遂於佛教深起信心復爲演說七有事福業彼旣聞已作如是念我先無知歸露形者彼以拔髮爲業苦

仕九

二

身修行旣處邪邊靡涉中道我今宜應棄彼

僞教契想真宗現在當來冀希津濟然我家業貧窶難修福業宜可自勵役已惠人即便以自工巧告諸苾芻曰我善牙作若須針筒我當施手時有苾芻令造象牙針筒竒巧可

愛餘苾芻嗟歎驚訝復令其作如是轉展乃

至多人匠者象牙因斯罄盡復令骨作骨盡用角角復終盡時彼工人因致貧困衣不掩

形食不資口時露形者見而告曰爾於昔時

歸依我等家道豐贍今依剃髮遂致困窮以

此察之孰爲勝侶時諸少欲苾芻聞是語已共生嫌賤云何苾芻使他工人不知量度以至貧窮復致譏醜以緣白佛佛告諸苾芻廣如上說乃至制其學處應如是說

若復苾芻用骨牙角作針筒成者應打碎波逸底迦

若復苾芻者謂此法中人其骨牙角如事可知有二種針筒一筒子二合子若用骨牙角作者二皆不許若自若他並不應作若成者即應打碎其罪說悔其所對之人應問云爾

仕九

三

針筒打碎未若不問者得惡作罪問已方悔苾芻應用竹葦爲筒或氈片等以安其針時可數看勿今生垢此皆無犯又無犯者廣說

如上

作過量牀學處第八十五

佛在室羅伐城逝多林時有苾芻人間遊行  
至逝多林門日暮門閉即於門屋下坐短脚  
牀既洗足已斂身入定有蛇愛冷在牀前住  
見苾芻垂頭遂螫其額因致身亡遂生三十  
三天端拱而坐時天帝釋遣五百妓女而爲  
給侍天女瓔珞出妙音聲能令聞者心生愛  
樂時彼天子雖聞其聲不相觀視彈指告言  
姊妹何因惱我天女見已嗟歎竒異遂以其  
事往白帝釋天主報曰汝等可持大鏡安在  
彼前女便置鏡時彼天人方覩自身具諸瓔  
珞周而嚴飾深生厭離說伽陀曰  
於此世間中人身最難得正信如來教  
出家爲更難如斯難遇事而我已曾得  
云何喪法眼墮於牢獄中我不得正見  
終不受欲樂由斯障解脫當淪於惡趣

我居天女內如被鬼神圍入此愚癡林  
云何當出離

法爾諸天初生之時得三種念我於何處死  
今於何處生復由何業力即便觀知從人中  
死生在三十三天由淨持戒善業所感作是  
念已時諸天女告天子曰大仙今可往禮帝  
釋方與我等共爲歡戲天子答曰姊妹天主  
帝釋者已能遠離染瞋癡耶白言未離天子  
曰姊妹我昔歸依大師世尊離染瞋癡而行  
禮敬云何今時禮具三毒姊妹頗有因緣能  
令帝釋禮敬我不天女答曰有勝苑園名爲  
住九妙地中有住處是天仙所居若在其中而出  
家者帝釋自往申其禮敬是時天子於天妹  
女作鬼神想棄之而去往妙地中天仙住處  
於彼衆內而爲出家爾時帝釋聞是事已詣

苑中躬申禮敬稱善而退天子自念我若不往禮觀世尊即受天樂者是所不應今我先當禮世尊足是時天子以天四華置衣裾內諸妙瓔珞具莊嚴身猶如壯士屈伸臂頃於天宮沒現逝多林由彼天光威神力故光明赫奕周徧照曜逝多園林詣世尊所頂禮雙足即以天華布在佛前虔誠供養達佛三市在一面坐以妙伽陀請世尊曰  
我居天女內三之一如被鬼神圍入愚闇稠林云何修出離

世尊告曰

有妙平直道去處無所畏法忍爲大牛牽車無亂響慚愧充几褥專念爲侍從智慧御車人正見令前導若有善男女乘此安隱車一心無異緣能至最勝處

爾時世尊觀彼天子意樂根性隨機說法令得開悟即於座上以金剛智杵摧破二十種薩迦耶見山得預流果既見諦已白佛言世尊由佛令我於諸難中得解脫果此非父母高祖人王及諸天衆沙門婆羅門親友眷屬之所能作我逢世尊大善知識故於地獄傍生餓鬼趣中拔濟令出安置人天勝妙之處盡生死苦得涅槃道乾竭血海超越骨山無始積集身見之山以智慧杵而摧破之獲得初果我今歸依佛法僧寶始從今日乃至命存受五學處不殺生乃至不飲酒唯願世尊證知我是邬波索迦即於佛前說自慶頌曰廿九我由佛力故永閑三惡道得開天妙門長昇涅槃路我依世尊故今得清淨眼證見真聖道五之二超過有海岸佛超於天人

離生老死過 有海中難遇 我逢今得果  
我以莊嚴身 歡心禮佛足 右邊除怨者

今往赴天宮

爾時彼天於生死中得未曾得禮佛足已更  
以天華至誠供養便往天宮忽然不現時逝

多林授事苾芻至天曉已便開寺門見彼苾  
芻在小牀上端坐命終復見毒蛇住其牀下  
即以此事往白世尊世尊告曰可爲焚燒復  
告諸苾芻曰不應下小牀上而爲寢卧亦不  
應牀前洗足違者得越法罪時六衆苾芻聞  
是制已遂作高牀脚長七肘緣梯上下諸婆  
羅門居士等見生嫌賤時諸苾芻以緣白佛  
佛言我今以此爲緣爲諸苾芻廣說乃至制  
其學處應如是說若復苾芻作大小牀足應  
高佛八指若過作者應截去波逸底迦如是

世尊爲諸苾芻制學處已時具壽鄔佉夷身  
形長大坐彼牀時頸挂著膝苾芻白佛佛言  
前是創制此更隨開應如是說

若復苾芻作大小牀足應高佛八指除入柱  
木若過者應截去波逸底迦

仕九

六之二

若復苾芻者六衆也作大小牀者謂自作使  
人造此大牀及小座時應高佛八指者佛謂  
大師此之八指長中人一肘除入柱木者除  
牀脚入柱木此非是量若過作者謂量若過  
應可截去隨罪說悔如前應作此中犯相者

若苾芻若爲僧作若自爲作過八指量者應  
截去其罪說除對說罪者應可問言牀脚截  
未若不問者得惡作罪其罪不應說悔若依  
量作者無犯又無犯者廣如上說

用草木綿貯牀學處第八十六

佛在室羅伐城給孤獨園鄖波難陀分得大牀以木綿貯安襯而卧有諸苾芻從他處來合與卧具其授事人隨次分與至鄖波難陀

房爲彼年老并合得牀鄖波難陀便去襯物分散木綿令其寢息苾芻卧已天曉出房身仕六

衣總白諸苾芻見報言上座豈可卧在葦苔

積中耶具以上緣告諸苾芻諸苾芻白佛佛言我今爲諸苾芻制其學處應如是說

若復苾芻以木綿等貯僧牀座者應撤去波逸底迦

若復苾芻者鄖波難陀餘義如上言貯物者有五種一木綿二草綿三蒲臺四劫貝五羊毛若復苾芻以五種物自貯教人貯皆得墮罪罪應說悔比中犯者苾芻若僧私牀座以木綿等而散貯者皆得墮罪絮應撤去罪應

說悔對說罪者應可問言絮撤去未若不問者得惡作罪其罪不應說悔廣說如上過量作尼師但那學處第八十七

佛在室羅伐城給孤獨園如世尊說汝諸苾芻若受用僧伽卧具及餘人物乃至私物應用襯替苾芻不識其量遂便大作小者棄擲或嫌長短作務煩多常有營爲妨修善品廣說乃至爲諸苾芻制其學處應如是說若復苾芻作尼師但那當應量作是中量者長佛二張手廣一張手半若過裁者波逸底迦如是世尊爲諸苾芻制學處已具壽鄖陀夷身形長大每至卧時爲護卧具故於其足邊以諸樹葉而爲襯替世尊因觀房舍見葉狼藉問知事已告諸苾芻曰前是創制此復重開廣說乃至應如是說

若復苾芻作尼師但那當應量作是中量者

長佛二張手廣一張手半長中更增一張手

若過作者應截去波逸底迦

若復苾芻者此法中人尼師但那者謂敷具

也若自作使人皆悉同犯應量者如文可知

若佛一張手當中人三張手總廿九長九張手合

有四肘半廣一張手半者當中人四張手復

有六指具此中制意者尼師但那本謂襯替卧

自身等頂上餘有一疊手在斯乃止與卧具相當又復佛望餘人身有三倍言二倍者蓋是部別若依二倍即尼師但那其量全小不堪替卧敷地禮拜不見有文故違聖言誰代當罪細論可不廣如餘處

若苾芻不依此量而過作者物應截去罪應說悔餘問答等並廣如上說

作覆瘞衣學處第八十八

佛在給孤獨園如世尊說作覆瘞衣苾芻不知當云何作其量過大或時太小諸苾芻白

佛言乃至應如是說

若復苾芻作覆瘞衣當應量作是中量者長

佛四張手廣二張手若過作者應截去波逸

底迦

若復苾芻等義如上說覆瘞者謂覆身瘞疥

也其佛張手及有過截并說罪等廣如上說

作雨浴衣學處第八十九

佛在室羅伐城給孤獨園三月夏安居時毗

舍法鹿子母往詣佛所禮雙足已在一面坐

佛爲說法示教利喜默然而住時毗舍法即

從座起合掌恭敬白佛言世尊願佛及僧明

當就舍受我微供爾時世尊默然而受時毗

舍法知佛受已頂禮佛足奉辭而去既至舍

已即於其夜備辦種種上妙飲食佛於其夜

天將曉時便於東方見多雲起形如圓鉢偏

滿虛空如是之雲能降大雨充滿溝渠爾時佛告阿難陀曰汝今宜往告諸苾芻今此雲起必降洪雨此雨露濡有大威力若洗浴者能除衆病若諸苾芻樂欲洗者可於空地隨意洗浴阿難陀既受教已具以佛語告諸苾芻時諸苾芻悉於露地雨中立洗時毗舍佞性飲食辦已敷設坐具安淨水甕令其婢使往逝多林請佛及僧白言時至婢到門所覓諸苾芻時諸苾芻閉門而浴婢於門隙遙見苾芻露形於寺中浴便作是念此中不見苾芻皆是露形外道即便歸舍白其母曰我於寺內不見一人是苾芻者但見露形外道立洒雨中時毗舍佧行是念今日天雨聖衆多在雨中露形而浴非是外道便遣餘人往扣門喚白言聖者毗舍佧行母令白時到爾時

佛與大眾著衣持鉢詣毗舍佧行處既坐定已先行淨水次下美食種種珍羞無不備具衆既食了受水齒木淨潔漱已皆收鉢器時毗舍佧行於佛前以瓶注水聽說發願竟前禮佛足白佛言世尊唯願慈悲許我微願佛言隨汝所求欲作何願毗舍佧行曰我有八願一者欲施苾芻衆雨浴衣二者欲施苾芻尼衆雨浴衣三者客苾芻來先我舍食四者將行苾芻當於我舍食已而去五者有病苾芻我施飲食六者仁九看病苾芻我亦施食七者有病苾芻須醫藥者我當給施八者常施僧粥佛告毗舍佧行曰汝以何緣施雨浴衣答言大德今日時至令婢詣門見諸苾芻露形而浴謂是外道大德我緣此故施雨浴衣令諸聖衆遮身洗浴又毗舍佧行汝以何緣施苾芻尼雨

浴衣答言大德我憶曾見諸苾芻尼在河水  
中露身而浴諸俗譏耻出嫌誚言爲此施衣  
令障形醜隨處而浴又毗舍佞性以何緣施  
客苾芻新來者食答言大德諸新來者未善  
委知乞食次第又復疲勞須食美食是故我  
施又毗舍佞性以何緣施將遠行苾芻飲食  
答言大德行侶苾芻若乞食時恐失其伴故  
我施食又毗舍佞性以何緣施病苾芻食答  
言大德諸病苾芻不得食者病便增劇是故  
我施又毗舍佞性以何緣施看病者食答言  
大德若看病人行乞食者瞻侍便闕湯藥所  
須有乖時節是故我施又毗舍佞性以何緣  
施病苾芻所須醫藥答言大德若無醫藥病  
即難差長時帶患廢修善品是故我施又毗  
舍佞性以何緣施苾芻僧粥答言大德若諸

仕九

十一

苾芻不食粥者被飢渴逼是故我施爾時毗  
舍佞性復白佛言世尊我聞某處苾芻命過佛  
記彼人得預流果有記一來不還阿羅漢果  
大德彼諸聖人頗曾來至室羅伐城受我供  
給供養不佛言曾受若曾受者我所施福由  
是因緣必定當得福智圓滿佛告毗舍佞性  
哉善哉汝所施福功德圓滿時毗舍佞性即從  
座起禮佛而去佛以此緣告諸苾芻我聽諸  
苾芻畜雨浴衣隨處洗浴時諸苾芻不知其  
量太長太狹佛言不應如是當應量作廣說  
乃至應如是說

若復苾芻作雨浴衣當應量作是中量者長  
佛六張手廣二張手半若過作者應截去波  
逸底迦

若復苾芻等並如上說雨浴衣者謂天雨時

用若自作教人當應量作長廣如丈若過者得罪同前說悔問答廣如上說

同佛衣量作衣學處第九十  
緣處同前時邬波難陀與佛等量作衣但被

一邊餘聚肩上諸苾芻見謂是新客欲為解勞報云我非新至同佛衣量作支伐羅苾芻

譏嫌云何作此過量之衣以緣白佛佛言我因此事為諸苾芻制其學處應如是說

若復苾芻同佛衣量作衣或復過者波逸底迦是中佛衣量者長佛十張手廣六張手此

是佛衣量

若復苾芻者邬波難陀佛衣者大師衣也長佛十張手當中人三十張手有十五肘廣六者當十八張手有九肘或復過此皆犯墮罪餘廣如上說

廿九

十二

### 四波羅底提舍尼法

攝頌曰

非親尼自受 舍中處分食 不請向學家受食於寺外

從非親尼受食學處第一

佛在王舍城竹林園中爾時得叉尸羅城有一長者娶妻未久便誕一女身有三德如青溫鉢羅華一者身黃金色猶如華鬘二者目紺青色猶如華葉三者香氣氣馥猶如華香生三七日諸親集會欲與立名云此孩子身如青蓮華應與立字名青蓮華年既長大婢與同城長者之子命來入舍未久之頃青蓮華父遇疾而終其母後時不能守志遂與女婿私密交通其青蓮華先生一女年在幼稚忽於屏處見母與夫共行非法因發瞋怒便

持幼女而告夫曰汝無賴物何不共此行非法耶便擲木上因損女頭見有血出青蓮華忿而不顧遂以巾覆頭出求行伴見有商旅向未度城即入營中相隨而去于時商主見青蓮華儀貌端正問曰爾屬於誰答言若有能以衣食共相濟者我當屬彼商人便給衣食納以爲妻將至本家共居既久商主齋貨還向得叉尸羅城同伴知友語商主曰有財不樂欲待何時更覓端妍共爲婚娶商主答曰若有得與青蓮華儀容相似者方可爲婚其同伴曰某家有女倍勝青蓮便共往觀稱可其意即備婚禮納以爲妻歸未度城相隨而去去家不遠遂留少妻并留半貨既至舍已妻曰貨何少耶報曰我被賊奪妻曰何不急覓報曰我今爲此欲往追尋商主去後友

廿九  
十三

廿九  
十三

人來問商主何之報曰云去尋賊友人曰非關尋賊只爲尋妻真以其事報青蓮華不久商主還來歸宅青蓮華曰君非遭賊故誑於我既有別婦何不將來夫曰室有兩妻無暇飲水恐有鬭諍故不將來報曰我能力忍必無忿競若年與我相似看如姊妹若全少者視之如女其夫受言遂迎少婦歸宅青蓮華聞是同鄉特鍾慈念曾於暇日便與少婦梳理頭髮見其頭上有一瘡痕問曰汝此瘡痕因何致損少婦報曰我小不憶聞家中說爲孩子時母因有事共父相瞋擲我木上當時被損故有此痕復更問曰住在何坊門戶何向女便具告青蓮華的知是女深自感傷作如是念此旣我女欲如之何往時與母同壻今復共女同夫嗚呼哀哉何惡之甚即復以

巾覆頭更求捨離覓同行伴往廣嚴城既至  
彼已不作姪女但與人私通未久之間人皆  
共美時諸姪女俱至其舍告言爾偷我法以  
自活命而不與我言義交通即掣被巾強曳  
而去俱來問曰汝有何術能誘多人答曰亦  
仕九無別術若有少年但令我見無不隨者諸女  
十四曰若如是者今此城中有一賣香男子作不  
淨觀成於諸女人久生厭離若能壞彼行我  
等立汝爲姪女中尊若不壞者當罰金錢六  
十問諸女曰彼是丈夫不答言是若爾彼何  
足牽即近彼而住詐設種種愛夫方便令其  
使女就買塗香復買諸藥云爲夫主身患所  
須彼賣香男子聞是事已念此女人必是貞  
謹乃於夫處能爲盡心遂生愛戀青蓮華遂  
詐云夫死悲號慟哭於賣香者門前而過彼

男子見倍生愛著廣說乃至終被此女壞其  
觀行諸姪女等共見嗟歎遂即立爲姪女中  
尊既與賣香男子久事還往因即有娠時廣  
嚴城東西兩門各有守門男子因相愛念共  
作是議我之二人交歡日久若生男女必爲  
婚娶時青蓮華未久之間便誕一子遂作是  
念我若養兒身不清淨恐諸男子嫌汙不來  
我今宜可棄此孩兒即以孩兒授與使女并  
授燈明告曰汝可持此置於道中屏處伺看  
誰將兒去是時使女棄近東門并安燈火時  
仕九誰將兒去是時使女棄近東門并安燈火時  
守門者遙見燈明來就觀察乃見孩子持歸  
十五與婦告曰宜善恩育當爲汝子時守門者便  
作大會告及宗親云我婦生子其西門人聞  
東門人生子便將禮直就之慶賀其青蓮華  
復於後時又生一女同前思念不自收養令

其使女夜棄西門時守門人同前收養爲慶樂事二家男女皆並成立其東門子因節會時爲諸友朋命同遊賞共以六十金錢與青蓮華同往芳園而爲歡戲衆共立制若於今日不同集者罰金錢六十其東門子不樂同

歡諸人欲罰爲無錢物俛仰相隨既與交歡因生愛重將青蓮華入舍同住時廣嚴城衆皆議曰云何守門之子將衆姪女獨納家中彼東門子聞是語已懺謝諸人厚設歡會因娶爲婦其東門人報西門曰爾女長成可遂前要報曰汝男今娶姪女何事求婚答曰縱娶多妻斯亦何過彼便隨要以女娉之歸東門宅爾時尊者大目乾連來至其舍告新來女曰汝今知不汝夫舊婦是汝之母汝夫主者即是汝兄勿復於此更相嫉妒令汝因斯

廣生惡業作是語已捨之而去後於異時青蓮華復生一子時西門女抱此孩兒門前戲弄時有相師婆羅門來至其所以頌問曰汝容如妙華於三寶深信所弄之孩子與汝有何親

時彼女人即便以頌答曰

婆羅門善聽此是我之弟亦是兄之子亦復是我兒復是夫之弟此父是我父亦父亦爲夫聖者慈悲告

時婆羅門聞已笑而捨去時青蓮華室中聞

廿九語怪其所以問使女曰此女抱兒與婆羅門何所論說時彼使女具以其事告青蓮華時青蓮華聞是語已便作斯念我由何業前與母同夫後與女同婿今以兒爲婿又共女同夫作是念已投身靡地不勝慚耻即便出舍

覓王城伴棄之而去至王舍城停息未久時此城中有五百人常共遊集聞青蓮華共相謂曰彼女姿容世間希有今來至此可命同歡即以五百金錢與青蓮華携至芳園耽樂而住時尊者大目連知青蓮華堪任受化詣彼園內樹下經行時彼衆中有一少年告青蓮華曰汝見彼尊者不有大威神戒行清潔貪欲淤泥不能染汙汝能令彼生染心不青蓮華曰此何足言曾有賣香男子不淨觀成我亦令彼情生染著況復此耶諸人報曰聖者堅固汝不能動時青蓮華至尊者所現諸嬌態以身相逼尊者踊身虛空以頌告曰汝將可狀骨鎖身周徧筋脉相纏縛元由精血所成就依他活命輒相輕我身不淨常充滿晝夜出入無停息九孔常流瘡不差縱橫穢氣鎮盈軀若彼諸人體識此譬如夏廁不可近棄之遠去心無著由彼盲冥無識知常被愚癡之所覆爲此心迷愛樂我猶如老象溺深泥

九孔恒流瘡不差縱橫穢氣鎮盈軀若使諸人悟知此如我識汝身不淨譬如夏廁不可近棄之遠去心無著由彼盲冥無慧目常被愚癡醫所覆爲此心迷愛樂汝猶如老象溺深泥時青蓮華自觀尊者神力希奇於自己身審知不淨遙禮尊者而說頌曰  
我知可狀骨鎖身周徧筋脉相纏縛元由精血所成就依他活命輒相輕我身不淨常充滿晝夜出入無停息九孔常流瘡不差縱橫穢氣鎮盈軀若彼諸人體識此譬如夏廁不可近棄之遠去心無著由彼盲冥無識知常被愚癡之所覆爲此心迷愛樂我猶如老象溺深泥

唯願大聖縱身下 爲我演說微妙法  
於最勝教求出家 發願常修離欲行  
時大目連爲愍彼故縱身而下觀機說法令  
見真諦既得果已頂禮尊足求哀出家徃諸  
人處還彼金錢共相媿謝諸人隨喜一時俱  
來禮尊者足時大目連將青蓮華詣世尊所  
頂禮足已具述其事爾時世尊爲青蓮華以  
書告室羅伐大世主苾芻尼與其出家便令  
教誨勑青蓮華隨書而往時影勝王遣人送  
至室羅伐城既至彼已詣大世主所出家受  
學策勤不息未久之間得阿羅漢果佛所稱  
讚於苾芻尼中有大神力最爲第一爾時佛  
告諸苾芻尼等當觀生死海中轉迴不定誰  
非父母誰非男女及餘親識如青蓮華現見  
如是於親族中共行非法況隔生耶非證聖

廿九

十八

果沉淪靡息是故汝等於三界中勤求出離  
如救頭然世間欲境無厭足期當速捨離修  
無常想作臭戶想晝夜繫心應如是學時諸  
苾芻咸皆有疑請世尊曰以何因緣青蓮華  
尼身具三德不乏男子於己親處常爲親亂  
既出家後得阿羅漢果於神力中佛讚第一  
世尊告曰汝等善聽此青蓮華尼因緣乃從  
古昔有一商主持諸貨物求利他方其婦於  
後被煩惱逼欲火燒心去之不遠有姪女舍  
每見男子入彼家中情生愛樂問一老母曰  
作何福業於所求事皆得稱心老母曰於勝  
上人行業成就者奉其飲食并諸供養於所  
求事皆得遂心時有獨覺聖者老母令其飲  
食供給以青蓮華奉持供養彼現神變女生  
深信即發願言以我此福於未來世得端嚴

身如青蓮華色香圓滿隨念所求男子無闕乃至獲大神力遭遇大師親得承事又復前身數爲媒媾令他父母兄弟姊妹男女之屬共行非法由供養發願故得勝妙身如華三德於諸男子無闕乏時由媒媾親屬今者於親受斯惡報復由願力得值目連而遇於我捨俗出家成阿羅漢如是應知

佛在室羅伐城時青蓮華苾芻尼既得果已敬重三寶常發是願初乞得食將奉僧衆次乞得者以充自食便於他日先食奉僧次擬自噉見乞食苾芻空鉢而去即以已分持施他人一日之中絕食而住復於明日初食奉僧次欲自食邬波難陀亦來乞食見青蓮華便作是念此苾芻尼但於僧衆而興供養亦有普意該別人耶我今應試即就索食尼心

慇重闢已濟人還持已分奉施尊者同前絕食至第三日觸熱巡門身體飢羸悶絕于地時有外道俗人見已作如是議我聞青蓮華離欲得果如何今時見釋迦子顏容端正起欲染心投身擗地時諸苾芻聞共譏嫌以事白佛佛言我今爲諸苾芻制其學處乃至應如是說

若復苾芻於村路中從非親苾芻尼自手受食食是苾芻應還村外住處詣諸苾芻所各別告言大德我犯對說惡法是不應爲今對說悔是名對說法

若復苾芻者謂邬波難陀餘義乃至非親並如上說苾芻尼者謂在此法中村路中者謂在途中自手者親自受取食者謂是二五噉嚼之類又食者吞咽入喉是苾芻者謂犯過

人村外住處者謂至寺處詣苾芻所者謂寺中人各別告者謂別別對說我犯惡法者謂善法所不應爲發言告曰此中犯者若苾芻於非親尼作親想疑於村巷中自手受取五噉五爵而食咽者皆得對說罪若是親尼作

非親想疑得惡作罪無犯者廣如上說

受苾芻尼指授食學處第二

佛在室羅伐城給孤獨園時遭儉歲乞食難得六衆苾芻被飢所苦往十二衆苾芻尼處時彼見已便請小食六衆不受告言諸妹汝若請我及諸大衆正食之時汝當指授令彼施主多與我等美好飲食我當食之時有施主請佛及僧就舍而食諸苾芻往世尊不去爲制戒故衆僧食時吐羅難陀尼告施主曰此聖者難陀是釋迦子捨俗出家善闡三藏

是大法師可多與美好飲食并餘五人悉皆讚歎時彼施主於六人處數倍多與令諸苾芻並多絕食時彼施主知其非法無均等心遂生譏罵時取食人具以此事白佛佛言我制學處乃至應如是說若復衆多苾芻於白衣家食有苾芻尼指授此苾芻應可多與美

好飲食諸苾芻應語是苾芻尼言妹妹且止少時待諸苾芻食竟若無一人作是語者是諸苾芻應還村外住處詣諸苾芻所各別告言大德我犯對說惡法是不應爲今對說悔

廿九

二十一

是名對說法衆多苾芻者謂二三人已去白衣家者謂四姓等家食者謂受請食尼謂吐羅難陀指授者謂處分事此苾芻應可多與美好飲食者謂過量與食諸苾芻等者謂出訶止言若無一人者謂極少限齊皆得本

罪應還村外住處等者指說悔法廣說如前  
此中犯者若苾芻食在上閣復有食在中閣  
於上閣處有苾芻尼指授某食彼苾芻乃至  
一人應爲訶止若不訶者諸苾芻犯對說法  
其中閣苾芻應問上閣有訶苾芻尼不不問

根本說一切有部毗奈耶卷第四十九

音釋

廿九

三

得惡作罪如是應知一施主家多處而食尼  
指授處皆得本罪餘悉犯輕或上或下准事  
應知若其施主緣爲此尼施僧食者尼雖指  
授苾芻無犯或雖指授情無簡別或見不得  
食今其與者並皆無犯又無犯者廣如上說